



Broj: 11-05/02-02-27979-10/21
Sarajevo, 05.08.2021. godine

KANTON SARAJEVO
JAVNA USTANOVA "DJECA SARAJEVA"
SVIM OSNOVNIM ŠKOLAMA KAO JAVNIM USTANOVAMA
SVIM SREDNJIM ŠKOLAMA KAO JAVNIM USTANOVAMA

H I T N O !!!

n/r direktorice/direktora
n/r sekretara

PREDMET: Instrukcija za postupanje, dostavlja se

Ovim putem Vas obavještavamo da su doneseni i objavljeni:

1. Pravilnik sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama čiji je osnivač Kanton Sarajevo („Službene novine Kantona Sarajevo“, broj: 29/21) i
2. Pravilnik o izmjenama i dopunama Pravilnika sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama čiji je osnivač Kanton Sarajevo („Službene novine Kantona Sarajevo“, broj: 31/21).

Navedeni akti su objavljeni na službenoj internet stranici Ministarstva za odgoj i obrazovanje Kantona Sarajevo (<http://mo.ks.gov.ba>).

U vezi sa navedenim, a imajući u vidu činjenice da su procedure u odnosu na ranije važeći pravilnik pojednostavljene i izmijenjene te da su u toku konkursne procedure za prijem radnika u radni odnos i da su nastale određene nedoumice kako u odgojno-obrazovnim ustanovama tako i među budućim kandidatima potrebno je, da prilikom davanja informacija u vezi sa bodovanjem na osnovu člana 10. st. (4) i (5), kandidate informišete da je stavom (8) ovog člana jasno propisano na koji način se boduje *radno iskustvo stečeno stručnim osposobljavanjem bez zasnivanja radnog odnosa* kao i da se u tom slučaju (za navedeni period) ne vrši bodovanje po članu 11. Pravilnika.

Prilikom primjene člana 18. stav (1) tačka e), svojeručno potpisana *saglasnost kandidata u vezi sa dostavljanjem obavijesti i odluka* kako je propisano pravilnikom (bez ovjere od strane nadležnog općinskog organa) tretira se kao uredna.



Također, posebno ukazujemo na činjenicu da je u Pravilniku o izmjenama i dopunama Pravilnika sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama čiji je osnivač Kanton Sarajevo došlo do **izmjene obrazaca za bodovanje i ocjenu kandidata**, o čemu ste obavezni upoznati predsjednika i članove komisije za utvrđivanje prijedloga za izbor radnika ustanove.

Koristimo se prilikom da vas podsjetimo da je uspostavljena nova e-mail adresa u Ministarstvu za odgoj i obrazovanje putem koje možete dostaviti eventualne primjedbe, prijedloge i sugestije u vezi sa primjenom Pravilnika, do kojih ste došli prilikom njegove primjene u konkursnim procedurama koje provodite (pravilnici@mo.ks.gov.ba).

S poštovanjem,



**PO OVLASTENJU MINISTRICE
POMOĆNIK MINISTRA**

Ezudin Kurtović
Ezudin Kurtović

Dostavljeno:

1. Naslovu
2. Kantonalnoj upravi za inspekcijske poslove
3. Arhivi

